



B. Ningittagarsorluni aalisarnermi umiarsuup allattaaviinik immersuinissamut ilitsersuut

Nunatsinni angallatit aalisarnermi atortut kivisittakkat soorlu ningittakkat, qassutit pullatillu atorlugit aalisartut, ningittarsorluni aalisarnermi umiarsuup allattaaviinik allattuisussaapput. Umiarsuup allattaavii piumasaqarneq malillugu Kalaallit Nunaanni Aalisarsinnaanermut Akuersissutinik Nakkutilliisoqarfimmit (KANUAANA-mit) tunniunneqassapput.

Tamanut atuuttut

Avataaniinnermi umiarsuup allattaaviinut ullut tamaasa allattuisoqartassaaq, tassa ulluni aalisarfiunngitsuni “aalisarfis-samut ingerlaarneq” imaluunniit “aalisarfissaqqissorsiorneq” umiarsuup allattaaviinut allanneqartassapput. Ningittakkat, qassutit imaluunniit qimiat pullatitallit ninginneqartut tamarmik allanneqassapput.

Aalisarneq aalisarfimmut allamut nuunneqarpat imaluunniit akuersissut alla atorlugu aalisartoqalerpat umiarsuup allattaaviini quppernermut nutaamut tamatigut nuuttoqartassaaq.

(Assersuutigalugu ullup unnuallu ataatsip ingerlanerani aalisarneq Kalaallit Nunaata aalisarnermut oqartussaaffeqarfianit Islandip aalisarnermut oqartussaaffeqarfianut imaluunniit pisassaqarfimmit pisassaqarfimmut allamut nuunneqarpat).

Ulluni aalisarfiusuni tamani umiarsuup allattaaviini qupperneq ataaseq immersorneqassaaq. Quppernermut nutaamut nuuttoqas-saaq ningittakkat amerlassusii umiarsuup allattaaviini quppernermi titarnernit amerlanerusimappata.

Umiarsuup allattaavii ungaluligaapput quppernerillu tullerriaartu-nik normulersugaallutik tulleriinnerilu malillugit atorneqassallutik.



Paasissutissat atuaruminartuussapput nunguterneqarsinnaassana-tillu - kuglepeni atorneqassaaq. Paasissutissat eqqunngitsut allanneqarsimappata titarneq tamarmi peerneqassaaq, titarnermilu nutaami allattoqassaaq.

Naqqiinermi bilikki (“Tipp-Ex”) allaluunniit ersigunnaar-sitsisartoq atorneqassanngilaq. Suna naqqinneqarsimanersoq takuneqarsinnaasariaqarpoq.

1. Umiarsuup allattaaviini quppernermi qulequtaq

Umiarsuup allattaaviini qulequtaq umiarsuup allattaaviini oqaa-tigineqartutut immersorneqassaaq, immikkut ittumik maluginiar-neqassaaq, “angalanermi” pineqarmat umiarsualivimmit useqarani avalanneq tamakkiisumillu usingiarnissaq siunertaralugu umiarsua-livisseqqinneq.

Qaammatisiutit ukiuanni angallatip siullermik angalanera angalaneq 1-mik taaguuserneqassaaq. Ukiortaaq ilanngullugu angalasoqarpat angalanerup ilaa tamanna ukiumi nutaami pisoq 0-mik normulernerneqassaaq.

Aammattaaq:

- Qarsorsat ataanni qarsorsap atorneqartup atia FAO-mi naalisaanerit pingasut naapertorlugit taaneqassaaq (ilan-ngussami 1-mi nunat tamat akornanni atortut assigiingitsut takukkit). Ningittagarsorluni qaleralinniarnermi FAO-mi naalisaaneq nalinginnaasumik tassaavoq “LLS”. Pullatinut tunngatillugu pullatit FPO-mik taaguuteqartut taane-qassapput, pullatillu kalaallinit sanaat atorneqarpata (GRL) imaluunniit canadamiut pullataat pineqarpata (CAN) allanneqassaaq.



- **“Qarsorsat normuat”**-nni taaneqassaaq qarsorsap normua (qarsorsap angissusia). Qassutinut pullatinnullu tunngatillugu nigartaqqortussuseq taaneqassaaq.
- **“Neqitat”** neqitat suut (aalisakkat) atorneqarnersut taaneqassaaq.
- **“Imartaq pisassaqarfik”** assersuutigalugu ICES-ip imaluunniit NAFO-p imartaatut taaneqassaaq, aalisarfigineqartoq nunat tamat imartaattut imaluunniit nunatta nammineq imartaatut naatsorsuussaansoq taaneqassalluni. (Nunanut assigiinngitsunut ilanngussami 2-mi ISO-mut naalisaanerit takukkit). Assersuutigalugu Tunumi 200 sømilit iluanni imartaq ateqassaaq GRL/ICESXIVa, kisiannili imartaq pisassaqarfik taanna islandip imartaaniippat ateqassalluni ISL/ICESXIVa. (Takuuk immap assinga ilanngussaaq imartanut assigiinngitsunut takussutissiaq).
- **“Aalisarfissaqqissorsiorneq”** matumani aalisakkanik sorlernik aalisarniarneq taaneqassaaq. Matumani FAO-p naalisaanera atorneqassaaq (tak. ilanngussaaq 3) inissaqarpalli atia tamakkerlugu allanneqarsinnaavoq.

2. Aalisarnermi sumiiffik pisallu

Ullormut ningittakkat, qassutit imaluunniit pullatit normui ilanngullugit taaneqassapput.

- Puttaqutserneq siulleq.
- Aalisarnerup aallartiffiata nalunaaqutaa minuttiilu ilanngullugit (UTC) taaneqassaaq, tassani malugeqquneqarpoq aalisarnerup aallartiffiata ullua qulaani umiarsuup



allattaaviini taaneqartoq allanneqassammat. Aalisarnerup aallartinnerani sumiiffik allorniusat sanimukartut avannarliit N-mik taallugit aamma allorniusat ammukartut Ø-mik W-imilluunniit taallugit kiisalu aallartinnermi itissuseq aamma atortut inissillugit naaneranni itissuseq.

- Qarsorsat qassiuneri. Tassani ningittakkani qarsorsat qassiunerat imaluunniit - pullatit qassiuneri - imaluunniit qassutit qimiaasa tamarmiullutik takissusiat (meterinngorlugu) taaneqassaaq.
- Amorneq aallartippoq. Tassani ulloq qaammallu kiisalu atortut qaqinneqarneranni piffissaq taaneqassaaq. Malugiuk ulloq qaammallu umiarsuup allattaaviini qulequttami ullormit taaneqartumit aallaanerusinnaammata.

2.1 Pisat

Pisat ilivitsuullutik uumallutik oqimaassusiat quppernermi ammu-kartuni atorneqanngitsuni taaneqassaaq. FAO-p aalisakkanut naa-lisaanera atorneqassaaq (takukkit ilanngussaq 3-mi FAO-p aalisak-kanut ilisarnaasiussai). Aalisakkat siusinnerusukkut taaneqarsi-masut naqinneqarsimasut titarneqarsinnaapput allanilla taarserlu-git.

Pisanit igitat pisanut ilanngullugit nalunaarsorneqassapput angallammiitinneqarlutilla. 50 kg. sinnerlugu saniatigut pisat aam-mattaaq tamakkununga allaffissianut ammukartunut nalunaarsor-neqassapput.

Amerlassutsit aalisakkat uumallutik oqimaassusiannik kiilulerne-qassapput.



Ullormut pisat immersuiffissami immikkoortumi “Pisassaqarfimmi ullormut pisat”-ni katinneqarsinnaapput.

Angallatip naalagaata ullut tamaasa umiarsuup allattaaviini quppernerit immersorneqarsimasut tamaasa atsiortassavai. Angallatip naalagaata atsiormigut paasissutissat taaneqartut pissutsinut piviusunut naapertuunnerat uppersassavaa.

2.2 Miluumasunik imarmiunik pisat

Miluumasunik imarmiunik pisat ajorluartumik piniutinit pisar-neqartut taamatuttaaq umiarsuup allattaaviini nalunaarsorneqas-sapput. Pisat umiarsuup allattaaviini titarnermi ator-neqanngitsumi taaneqarsinnaapput ningittakkanut qassutinulluunniit ator-neqartunut pineqartunut innersuussutigalugit aamma miluumas-q imarmioq pineqartoq sorliunersoq taallugu immaqalu suaassusia ukiuilu, taakku paasineqarsinnaappata.

2.3 Umiarsuup allattaaviini quppernerik nassiussineq

Umiarsuup allattaaviini quppernerit qaqqortut sungaartullu uunga nassiunneqassapput:

**Kalaallit Nunaanni Aalisarsinnaanermut Akuersissutinik Nakkutilliivik
Postboks 501
3900 Nuuk**

kingusinnerpaamik usingiaanerup kingorna nalunaaquttap akunerisa 24-it qaangiunneranni.

Umiarsuup allattaaviini qupperneq aappaluttoq angallammiitin-neqartuartassaaq. Nutsernera tungujortoq umiarsuaatilinnut nas-siunneqarsinnaavoq.



Umiarsuup allattaaviini quppernerit, kukkulluni allattuinerup il.il. kinguneranik atorsinnaajunnaarsitaasut aamma KANUAANA-mut nassiunneqassapput, taamaalilluni umiarsuup allattaaviini quppernerisa normuisa tulleriaarnerat allanggortinneqaqqunagu. Umiar-suup allattaaviini qupperneq atortussaajunnaarsinneqassaaq naqin-nernik angisuunik qaavatigut “ATORUNNAARPOQ”-mik allaffi-gineqarneratigut.

Ilangussaq 1: Piniutitut assigiinngitsunut FAO-mi naalisaanerit.

Ilangussaq 2: Nunanut/Naalagaaffinnut ISO-mi naalisaanerit.

Ilangussaq 3: Aalisakkanut assigiinngitsunut FAO-mi naalisaanerit.

Ilangussaq 4: Ningittagarsornermi umiarsuup allattaaviinik immersuisarnissamik assersuut.

Ilangussaq 5: Ningittagarsornermi umiarssup allattaaviinik immersuisarnissamik assersuut.

Ilangussaq 6: Umiarsuup allattaaviini quppernermik “ATORUNNAARSITSINEQ”-mik assersuut.